

四庫全書

史部

欽定四庫全書

皇朝文獻通考卷二百八十六

輿地考 十八

四川省

臣等謹按禹貢梁州至殷周之世即廢而不置杜佑以為當時已為蠻夷之國牧誓所稱庸蜀羌髳微盧彭濮人是也先儒皆謂梁地併於雍荊豫三州蓋殷周之荊豫皆以漢水為界梁州自岷冢以

東分屬荊豫而嶠冢以西則雍兼之其地雖併入
三州而禹貢岷嶓沱潛諸山水無一入職方者說
者謂地既入夷則建州設牧非其所宜大抵如唐
宋之羈縻州簡其政令寬其賦歛使為不侵不叛
之臣而已夫蜀自蠶叢開國以後僻處西南連山
深阻天梯雲棧之間言地險者必以為稱首逮乎
金牛開道肇啟秦封已蜀之列於郡縣自此昉矣
漢代通道西南夷其疆益大顧冉駹邛笮之屬種

類實繁歷代以來仍世長其地土官土吏之設於
蜀郡為獨多明初踵元故事招諭諸蠻凡西南各
部來歸者多用原官授之於是有宣慰司宣撫司
安撫司長官司諸號第其介居山箐獗野難馴終
明之世惟建昌等處置衛所以領之其餘各土司
未嘗設立文武為之鈐轄祇聽其互為雄長而已
我

國家聲教洋溢率土尊親若建昌松潘諸衛及永寧

石砭酉陽諸司或升為府或置廳州因地制宜已
全草其狂獠之俗至於崇岡複嶂之表雜處諸番
火種刀耕各安生業亦皆兼幘而並覆之即有一
二頑梗無知自相爭奪比於穴中之鬪隨時加以
懲創亦莫不聞風震疊訾我

皇威是以西抵於藏地南達於蒙番柞馬旄牛皆通王
會蠻貊黠賤並樂土風

聖世懷外安內之謨洵乎威服德懷各得其道矣

四川明四川等處承宣布政使司治成都府領成都保寧順慶重慶夔州叙州馬湖龍安八府潼川嘉定雅眉邛廬六州東川烏蒙烏撒鎮雄四軍民府萬歷二十九年分播州地置遵義府共領府九自府州之外置永寧等宣撫司黎州等安撫司又置四川都指揮使司領成都等十衛及松潘軍民衛天全六番招討司與疊溪等八守禦千戶所置四川行都指揮使司治建昌領建昌寧番鹽井會

川越嵩等衛

本朝初四川巡撫及布政使司按察使司皆駐成都
府設總督駐陝西兼轄四川順治十四年專設四
川總督康熙四年以烏撒府改隸貴州七年改四
川總督為川湖總督駐湖北荊州府兼轄四川九
年川湖總督移駐重慶府十九年改為川陝甘總
督駐西安府兼轄四川雍正四年以東川府改隸
雲南五年以烏蒙鎮雄二府亦改隸雲南併馬湖

府入叙州府又以建昌衛改置寧遠府又升成都府屬之茂綿二州及資縣並為直隸州六年升夔州府屬之達川為直隸州七年以遵義府改隸貴州又升雅州為府八年增置直隸叙永廳同知九年專設四川總督駐成都府十二年升潼川嘉定二州為府又升重慶府屬之忠州為直隸州又增置直隸黔彭廳同知十三年仍設川陝甘總督乾隆元年改黔彭廳置酉陽州十四年復專設四川

總督裁四川巡撫以總督兼理巡撫事十七年置
直督雜谷廳同知二十五年置直隸松潘廳同知
二十七年置直隸石砫廳同知四十一年平定兩
金川以其地置阿爾古美諾二廳凡領府十一直
隸州九廳六各衛所俱以次裁改入州縣東西距
三千里南北距三千二百十里東至湖北宜昌府
巴東縣界一千七百六十里西至番界一千二百
四十里南至雲南武定州元謀縣界二千三十里

北至陝西漢中府寧羌州界一千一百八十里東
南至貴州大定府畢節縣界一千一百五十里西
南由打箭爐出口至西藏界九千六百七十五里
東北至陝西興安府界一千四百十里西北至甘
肅階州文縣界一千一百五十里在

京師西南五千七百十里

成都府為省治東西距三百四十里南北距二百
七十五里東至潼川府樂至縣界一百六十里西

至茂州瓦寺土司界一百八十里南至眉州彭山
縣界一百十五里北至綿州綿竹縣界一百六十
里東南至資州資陽縣界一百六十五里西南至
邛州界一百二十里東北至潼川府中江縣界一
百五十里西北至茂州文川縣界一百四十里自
府治至

京師五千七百里明為成都府共領州六縣二十

五

本朝初因之順治十六年省彰明羅江二縣康熙元
年省雙流縣七年省崇寧縣及彭縣九年省華陽
縣雍正五年升茂綿二州及資縣並為直隸州又
省威州入保縣與內江等共九縣分屬茂綿資三
州又復置華陽縣與成都縣並為府治復置羅江
縣分屬綿州六年復置雙流崇寧彭彰明四縣仍
並屬府七年以彰明縣改屬龍安府凡領州三縣

十三

成都縣

附郭治
府北境

華陽縣

附郭治府南境康熙九年省入成都縣
雍正五年復置與成都縣並為府治

雙流縣

在府西南四十里康熙元年
省入新津縣雍正六年復置

溫江縣

在府西南五十里

新都縣

在府北
五十里

金堂縣

在府東北
七十里

郫縣

在府西
四十里

新繁縣

在府西北
五十里

崇寧縣

在府西北八十里康熙七年
省入郿縣雍正六年復置

彭縣

在府西北九十里康熙七年
省入新繁縣雍正六年復置

灌縣

在府西北一
百二十五里

簡州

在府東少南
一百二十里

崇慶州

在府西南
九十里

新津縣

在府西南
九十里

漢州

在府北少
東九十里

什邡縣

在府北一
百三十里

保寧府在省治東北六百二十里東西距七百十
里南北距五百四十里東至達州太平縣界五百
六十里西至綿州梓潼縣界一百五十里南至順
慶府西充縣界一百四十里北至陝西漢中府寧
羌州界四百里東南至順慶府蓬州界一百七十
里西南至潼川府鹽亭縣界一百里東北至漢中
府南鄭縣界五百里西北至龍安府平武縣界三
百五十里自府治

京師四千二百四十里明為保慶府共領州二縣八
本朝初因之雍正五年以綿竹縣改屬綿州凡領州

二縣七

閬中縣

附郭

蒼溪縣

在府西北四十里

南部縣

在府南少東七十里

廣元縣

在府北二百八十里

昭化縣

在府北少西二百八十里

巴州

在府東北二百五十里

通江縣

在府東北四百里

南江縣

在府東北三百四十里

劍州

在府西北二百二十里

順慶府在省治東北六百二十里東西距四百七

十里南北距二百里東至忠州梁山縣界三百八

十里西至潼川府蓬溪縣界九十里南至重慶府

定遠縣界一百里北至保寧府南部縣界一百里

東南至忠州墊江縣界三百三十里西南至蓬溪縣界九十里東北至保寧府巴州界二百七十里西北至潼川府鹽亭縣界一百二十里自府治至京師五千二百十里明為順慶府

本朝因之康熙七年省岳池縣六十年復置凡領州

二縣八

南充縣

附郭

西充縣

在府西北八十里

蓬州

在府東北一百里

營山縣

在府東北一百八十里

儀隴縣

在府東北二百三十里

廣安州

在府東南一百七十里

岳池縣

在府東南一百一十里康熙七年省入廣安州六十年復置

渠縣

在府東二百十里

大竹縣

在府東三百里

鄰水縣

在府東南二百七十里

重慶府在省治東南九百六十里東西距八百十里南北距六百七十五里東至酉陽州彭水縣界五百里西至叙州府隆昌縣界三百十里南至貴州遵義府桐梓縣界三百三十里北至順慶府鄰水縣界三百四十五里東南至遵義府正安州界三百四十里西南至瀘州合江縣界三百十里東北至忠州墊江縣界三百二十里西北至潼川府遂寧縣界二百九十里自府治至

京師五千二百里明為重慶府領州三縣十七

本朝初因之康熙元年省壁山大足銅梁安居四縣
八年省定遠武隆二縣六十年復置銅梁縣雍正
六年復置壁山大足定遠三縣十二年升忠州為
直隸州以鄧都墊江二縣屬之分黔江彭水二縣
置直隸黔彭廳乾隆元年改廳為酉陽州今領州
二縣十一

巴縣

附郭

江津縣

在府西南一百三十里

長壽縣

在府東北一百五十里

永川縣

在府西少南一百八十里

璧山縣

在府西少北一百里康熙元年省入永川縣雍正六年復置

榮昌縣

在府西少南二百六十里

大足縣

在府西三百十里康熙元年省入榮昌縣雍正六年復置

綦江縣

在府南少東二百里

南川縣

在府東南二百五十里

合州

在府北二百五里康熙元年以安居縣省入

銅梁縣

在府西北二百里康熙元年省入合州六十年復置

定遠縣

在府北少西二百九十五里康熙八年省入合州雍正六年復置

涪州

在府東少北三百十里康熙八年以武隆縣省入

夔州府在省治東一千六百八十里東西距五百

四十里南北距七百里東至湖北宜昌府巴東縣

界二百十里西至達州新寧縣界三百三十里南

至湖北施南府恩施縣界二百里北至陝西興安

州平利縣界五百里東南至施南府建始縣界一
百十里西南至忠州界四百十里東北至湖北鄖
陽府房縣界四百五十里西北至達州東鄉縣界
六百十里自府治至

京師四千二百里明洪武四年為夔州府九年降為
州屬重慶府十四年復升為府領州一縣十二

本朝初因之康熙六年省大寧縣七年省新寧縣九
年省大昌縣雍正六年升達州為直隸州以東鄉

太平二縣屬之七年復置大寧新寧二縣十二年
又分新寧縣屬達州分梁山縣屬忠州乾隆元年
以建始縣改屬湖北施南府凡領縣六

奉節縣

附郭

巫山縣

在府東一百三十里康熙九年以大昌縣省入

大寧縣

在府北一百八十里康熙六年省入奉節縣雍正七年復置

雲陽縣

在府西一百四十里

萬縣

在府西少南二百八十里

開縣 在府西少北
二百三十里

叙州府在省治南六百五十里東西距七百三十一
五里南北距三百八十里東至瀘州江安縣界一
百三十五里西至雷波廳境外接涼山蠻界六百
里南至雲南昭通府鎮雄州界二百八十里北至
嘉定府榮縣界一百里東南至叙永廳界二百二
十里西南至雲南昭通府恩安縣界二百五十里
東北至重慶府榮昌縣界二百二十里西北至嘉

定府隄為縣界一百七十里自府治至

京師六千三百里明洪武六年為叙州府領縣十其
西境兼置馬湖府領縣一

本朝初因之雍正五年併馬湖府入叙州府乾隆二
十六年增置雷波廳三十年增置馬邊廳凡領縣
十一廳二長官司四

宜賓縣

附郭

慶符縣

在府南少西
一百二十里

富順縣

在府東北一百八十里

南溪縣

在府東一百一十里

長寧縣

在府南少東一百四十里

高縣

在府南少西一百五十里

筠連縣

在府西南二百二十五里

珙縣

在府南二百一十里

興文縣

在府東南一百九十里

隆昌縣

在府東北二百四十里

屏山縣

在府西少南一百二十里雍正五年罷馬湖府以縣改屬叙州府

雷波廳

在府西五百里明洪武中為雷波鄉屬屏山縣本朝康熙初歸附仍置長官司雍正

正六年改置直隸雷波衛領黃鄉守禦千戶所乾隆二十六年裁衛設通判治此

馬邊廳

在府西北六百里舊置馬邊營設官兵駐守乾隆三十年設通判治此

泥溪長官司

在屏山縣西三里元至元時置長官司本朝康熙二十一年復置今司

平夷長官司

在屏山縣西九十里元至元時置長官司本朝康熙二十一年復置今

司

蠻夷長官司

在屏山縣西少南一百三十里元至元時置長官司本朝康熙二十一

年復置
今司

沐川長官司

在屏山縣西北一百八十里元至元時置長官司本朝康熙二十一年

復置今司以上土

司皆屬屏山縣

自各土司之外又分設土千百戶以領各寨番民

曰窰黑土百戶曰膩乃寨土百戶曰旁阿孤土百

戶曰明州樂土百戶曰大羊腸嚕喀土百戶曰幹

田壩土百戶曰麻柳壩土百戶曰阿招土百戶皆

在屏山縣西界涼山之地于康熙四十二年歸附

授職屬屏山縣管轄曰雷波土千戶于雍正七年
歸附授職屬雷波廳管轄曰冷紀土百戶于雍正
九年歸附授職屬馬邊廳管轄

龍安府在省治北少東六百五十里東西距四百
三十里南北距五百二十里東至保寧府劍州界
二百八十里西至松潘廳界一百五十里南至綿
州安縣界三百里北至甘肅階州文縣界二百二
十里東南至綿州梓潼縣治三百八十里西南至

茂州治四百五十里東北至陝西漢中府寧羌州
治四百五十里西北至松潘廳界一百五十里自
府治至

京師四千八百七十里明洪武七年為龍州二十三
年改龍州軍民千戶所尋復為州宣德七年改為
宣撫司嘉靖四十五年始改置龍安府領縣四

本朝初因之順治十六年省清川縣雍正九年以成
都府之彰明縣來屬又增置松潘廳乾隆二十五

年改松潘廳為直隸廳今領縣四長官司一

平武縣

附郭順治十六年清川縣省入

江油縣

在府東南二百六十里

石泉縣

在府西南三百二十里

彰明縣

在府南三百二十里初屬成都府順治十六年省入綿州雍正六年復置九年改屬

龍安府

陽地隘口長官司

在平武縣北三十里順治十六年歸附置今同屬平武縣

潼川府在省治東北三百二十里東西距三百八

十里南北距五百七十里東至順慶府西充縣界
二百里西至成都府漢州界一百八十里南至資
州內江縣界四百八十里北至綿州界九十里東
南至重慶府合州界三百五十里西南至成都府
簡州界三百十里東北至保寧府南部縣界一百
七十里西北至綿州界九十里自府治至

京師五千五百七十里明洪武九年為直隸州省府

治鄭縣入州共領縣七

本朝初因之康熙元年省安岳縣雍正七年復置十

二年升潼川州為府增置三臺縣凡領縣八

三臺縣

附郭雍正十二年升潼川州為府以州地置三臺縣為府治

射洪縣

在府東南六十里初屬潼川州雍正十二年屬府

鹽亭縣

在府東少北一百里初屬潼川州雍正十二年屬府

中江縣

在府西一百二十里初屬潼川州雍正十二年屬府

遂寧縣

在府東南一百八十里初屬潼川州雍正十二年屬府

蓬溪縣

在府東南一百五十里初屬潼川州雍正十二年屬府

安岳縣

在府南三百八十里康熙元年省入遂寧縣十年改入樂至縣雍正七年復置仍屬

潼川州十

二年屬府

樂至縣

在府南少西二百三十里初屬潼川州雍正十二年屬府

嘉定府在省治南三百九十里東西距四百里南

北距二百十里東至資州內江縣界二百里西至

番界二百里南至叙州府宜賓縣界一百六十里

北至眉州青神縣界五十里東南至宜賓縣界一

百六十里西南至番界二百十里東北至資州井

研縣界六十里西北至雅州府名山縣界一百七十五里自府治至

京師六千四十里明洪武四年為嘉定府九年改為直隸州省府治龍游縣入州共領縣六

本朝初因之康熙六年省威遠縣雍正六年復置十二年升嘉定州為府增置樂山縣共領縣七

樂山縣

附郭舊龍游縣明洪武時省入嘉定州本朝雍正十二年升州為府以州地置樂山縣

為府治

峨眉縣

在府西六十里初屬嘉定州雍正十二年屬府

洪雅縣

在府西北一百三十里初屬嘉定州雍正十二年屬府

夾江縣

在府西北八十里初屬嘉定州雍正十二年屬府

犍為縣

在府東南一百二十里初屬嘉定州雍正十二年屬府

榮縣

在府東一百五十里初屬嘉定州雍正十二年屬府

威遠縣

在府東少北二十里康熙六年省入榮縣雍正六年復置仍屬嘉定州十二年屬府

雅州府在省治西南三百三十里東西距五百三

十五里南北距三百八十五里東至嘉定府洪雅

縣界四十里西至打箭爐廳外通西番界四百九
十五里南至寧遠府越雋廳界三百十里北至邛
州蒲江縣界七十五里東南至嘉定府峨眉縣界
一百二十里西南至打箭爐明正土司界四百四
十里東北至蒲江縣界一百里西北至西番界二
百三十里自府治至

京師六千二十里明洪武四年改為直隸州省州治
嚴道縣入州共領縣三

本朝初因之雍正七年升雅州為府增置雅安縣又
開置打箭爐廳八年改置天全州清溪縣凡領州
一縣五廳一宣慰司三宣撫司二安撫司十五長

官司十三

雅安縣

附郭雍正七年升雅州為府以州地置雅安縣為府治

名山縣

在府東北四十里初屬雅州雍正七年屬府

榮經縣

在府西南九十里初屬雅州雍正七年屬府

蘆山縣

在府西北七十里初屬雅州雍正七年屬府

天全州

在府西少北一百二十里明洪武初為天全六番招討司隸四川都司本朝初因

之雍正八年改置
天全州屬雅州府

清溪縣

在府西南一百六十里明洪武八年省黎州治漢源縣入州改為黎州長官司十一

年升黎州安撫司萬歷時改為千戶所隸四川都司本朝初改為黎大所雍正八年改置清溪縣

屬雅州府

打箭爐廳

在府西南六百三十里省治西南一千二十里明永樂五年為長河西魚通寧

遠宣慰司本朝康熙初內屬三十九年設官兵駐守雍正七年移同知分治其地兼轄番漢民人

自裡塘巴塘以西直抵西藏袁延數千里皆歸統轄為諸番朝貢互市之要口仍屬雅州府

明正宣慰司

即駐打箭爐亦稱明正長河西魚通寧遠軍民宣慰司其地在大渡河外

自古為荒服地元始置三安撫司明合置長河西魚通寧遠宣慰司本朝康熙五年復置今司三

十九年以藏番侵擾爐地發兵討平之各番衆相率內附以宣慰司領之其所轄有安撫司五土千

戶一土百戶四十
八仍屬雅州府

木坪宣慰司

在天全州西北亦稱董卜韓珣宣慰司其先于明時世襲土職本朝康

熙元年復
置今司

德爾格忒宣撫司

在打箭爐外康熙五十八年歸附雍正七年置今司

冷邊長官司

在天全州西南康熙四十九年歸附置今司

沈邊長官司

在清溪縣西北康熙四十九年歸附置今司以上土司皆屬雅州府

巴塘正副宣撫司

在打箭爐西南一千一百七十里其地舊屬西藏以堪布喇嘛

掌管并設大小第巴二人分理地方康熙五十八年大兵平定西藏道經巴塘各番衆相率內附有大小堡寨三十三處雍正七年置正副宣撫司各一人管領所部番民其所轄有安撫司十長官司八土千戶三土百戶三十四仍屬打箭爐廳

瞻對安撫司

在打箭爐西南五百餘里康熙四十年歸附置今司

喇滾正副安撫司

在打箭爐西南瞻對土司之南康熙四十年歸附置今司

巴底安撫司

在打箭爐北康熙四十年歸附置今司

草什咱安撫司

在打箭爐東北康熙四十年歸附置今司

綽斯甲安撫司

在打箭爐東北康熙四十年歸附置今司以上土司分屬明正宣慰

司仍統於雅州府

裏塘正副宣撫司

在打箭爐西六百五十里西距已塘五百二十里其地舊屬青

海部落以堪布喇嘛掌管并設僧俗營官各一人分理地方康熙五十八年大兵平定西藏道經裏塘各番衆相率內附有大小堡寨十五處雍正七年置正副宣撫司各一人管領所部番民其所轄有長官司三土百戶一仍屬打箭爐廳

瓦迷餘科安撫司

霍耳竹窩安撫司

霍耳章谷正副安撫司

霍耳甘孜孔撒安撫司

霍耳甘孜麻書安撫司

霍耳咱安撫司

霍耳林蔥安撫司

東科安撫司

春科正副安撫司

上納奪安撫司

瓦迷色他長官司

瓦迷更平長官司

霍耳結隆冲長官司

霍耳白利長官司

春科高日長官司

上瞻對茹長官司

中瞻對茹長官司

蒙葛結長官司

以上皆在附近巴塘地方於康熙五十八年歸附雍正七年以後次

第置今司皆分屬巴塘宣撫司仍統於雅州府

瓦述崇喜長官司

瓦述毛了長官司

瓦述曲登長官司

以上皆在附近裡塘地方於康熙五十八年歸附雍正七年以

後次第置今司皆分屬裡塘宣撫司仍統於雅州府

自各土司之外又分設土千百戶以領各寨番民

曰黎州土千戶本明黎州安撫司之後管領曲曲

烏夷等番戶於順治九年歸附授職曰松坪土千
戶於康熙四十二年歸附授職皆屬清溪縣管轄
曰咱哩土千戶曰沙卡土百戶曰木噶土百戶曰
瓦七立土百戶曰額落土百戶曰白桑土百戶曰
額熱土百戶曰上八義土百戶曰下八義土百戶
曰沙悞石土百戶曰作蘇策土百戶曰拉哩土百
戶曰八哩籠土百戶曰上渡噶喇住索土百戶曰
中渡了出卡土百戶曰他咳土百戶曰索窩籠土

百戶曰額拉土百戶曰八烏籠土百戶曰姆朱土
百戶曰樂壤土百戶曰上渣壩卓泥土百戶曰上
渣壩額疊土百戶曰中渣壩熱錯土百戶曰中渣
壩業窪石土百戶曰中渣壩沱土百戶曰下渣壩
莫藏石土百戶曰扒桑土百戶曰木轆土百戶曰
格窪卡巴土百戶曰呷那工弄土百戶曰吉增卡
桑土百戶曰普共磔土百戶曰郭宗土百戶曰結
藏土百戶曰初巴土百戶曰祖卜栢喀土百戶曰

堅正土百戶曰達媽土百戶曰格桑土百戶曰本
滾土百戶曰白隅土百戶曰長結杵尖土百戶曰
長結松歸土百戶曰魯密章谷土百戶曰魯密昌
拉土百戶曰魯密梭布土百戶曰魯密達則土百
戶曰魯密卓籠土百戶皆於康熙四十年以後歸
附次第授職屬明正宣慰司管轄曰瓦述瑪達土
千戶曰上納奪土千戶曰撒郭土千戶曰瓦述色
他土百戶曰瓦述更平土百戶凡二曰瓦述更平

東撒土百戶凡二曰瓦述墨科土百戶曰霍耳孔
撒利則土百戶曰霍耳圖根滿磔土百戶曰束暑
土百戶凡二曰草賁土百戶曰上草賁土百戶凡
四曰下草賁土百戶凡二曰雜竹瑪竹卡土百戶
曰雜竹卡土百戶凡二曰峪納土百戶曰上納奪
黎窩土百戶凡三曰籠壩土百戶曰雲多土百戶
曰儀蓋土百戶曰上臨卡石土百戶曰下臨卡石
土百戶曰岡裡土百戶曰桑隆石土百戶曰上蘇

阿土百戶曰下蘇阿土百戶曰郭布土百戶曰麻
林土百戶皆於雍正七年以後次第授職屬巴塘
宣撫司管轄曰瓦述毛了土百戶於雍正七年授
職屬裡塘宣撫司管轄

寧遠府在省治西南一千二百三十里東西距六
百六十里南北距一千二百九十里東至木託營
涼山蠻界二十里西至雲南永北府界六百四十
里南至雲南武定府元謀縣界八百里北至雅州

府清溪縣界四百九十里東南至武定府界七百里
三十里西南至永北府界六百四十里東北至涼
山蠻界六十里西北至清溪縣界五百六十里自
府治至

京師六千九百二十里明洪武十五年置建昌府又
置建昌衛後廢府置建昌衛軍民指揮使司二十
七年又置四川行都指揮使司

本朝初亦曰建昌衛置總兵鎮之雍正六年罷稱衛

改置寧遠府又以各衛所改置各州縣乾隆二十五年改置越雋廳凡領州一縣三廳一宣撫司二

安撫司二長官司五

西昌縣

附郭明洪武十五年置建昌衛二十七年又置建昌前衛皆為行都司治萬曆三年

省前衛入建昌衛本朝初因之雍正六年改衛為府以衛地置西昌縣並以建昌左所中前所禮州守禦所併入為府治

冕寧縣

在府北少西一百八十里明洪武時置蘇州衛後改為寧番衛屬四川行都司本

朝初亦曰寧番衛雍正六年
罷衛改置冕寧縣屬寧遠府

鹽源縣

在府西南三百十里明洪武時為栢興千戶所尋改鹽井衛軍民指揮使司本朝

初亦曰鹽井衛雍正六年罷衛改置鹽源縣屬寧遠府

會理州

在府南少東四百里明洪武中為會川府後改置守禦千戶所廢會理諸州二十五

年改會川衛軍民指揮使司屬四川行都司本朝初亦曰會川衛康熙二十九年復分衛地置會

理州雍正六年罷會川衛移會理州來治屬寧遠府

越嵩廳

在府北少東二百八十里明洪武中為印部軍民州二十五年又置越嵩衛軍民指

揮使司屬四川行都司永樂元年改印部州為印部長官司屬越嵩衛本朝初亦曰越嵩衛雍正

十六年以衛屬寧遠府乾隆二十五年罷衛移通判治此

印部宣撫司

在越雋廳北其先於明時世襲土職
本朝康熙四十二年復置今司屬

越雋廳

沙麻宣撫司

在西昌縣邊境康熙四
十九年歸附置今司

河東長官司

在西昌縣安寧河東境康熙四十九
年歸附置宣慰司雍正六年改為長

官司以上屬西昌
縣及建昌鎮中營

昌州長官司

在西昌縣南二百里明洪武時置長
官司本朝康熙四十九年復置今

司

普濟州長官司

在西昌縣西南二百四十里明洪
武時置長官司本朝康熙四十

九年復置今司

威龍州長官司

在西昌縣東南四百十里明洪武時置長官司本朝康熙四十九

年復置今司以上屬西昌縣及建昌鎮左營

瓜別安撫司

在鹽源縣境外其地東與小西番接界西與喇嘛接界康熙四十九年歸

附置今司

木理安撫司

在鹽源縣西北境外其地東與打箭爐接界西與雲南中甸接界雍正八

年歸附置今司

馬喇長官司

在鹽源縣南三百里其先於明時世襲土職本朝康熙二十三年復置

今司以上屬鹽
源縣及會鹽營

自各土司之外又分設土千百戶以領各寨番民
曰煖帶土千戶於康熙四十二年歸附授職屬越
雋廳管轄曰黎溪土千戶曰迷易土千戶曰紅卜
苴土百戶曰普隆土百戶於康熙四十二年歸附
授職屬建昌左營管轄曰中所土千戶曰左所土
千戶曰右所土千戶曰前所土百戶曰後所土百
戶曰古栢樹土千戶於康熙四十九年歸附授職

屬會鹽營管轄曰酥州土千戶曰苗出土百戶曰
糯白瓦土百戶曰熱即哇土百戶曰大村土百戶
曰中村土百戶曰架州土百戶曰三大枝土百戶
曰河西地土百戶曰阿得橋土百戶曰虛即土百
戶曰白路土百戶曰窩卜土百戶曰大鹽井土百
戶於康熙四十九年歸附授職屬晃山營管轄曰
松林地土千戶曰煖帶密土百戶曰六翁土百戶
曰白石村土百戶曰野豬塘土百戶曰老鴉漩土

百戶曰前後山土百戶曰料林坪土百戶於康熙
四十九年歸附授職屬寧越營管轄

眉州在省治南少西一百八十里東西距一百四
十里南北距一百五十里東至資州仁壽縣界三
十里西至雅州府名山縣界一百十里南至嘉定
府樂山縣界八十里北至成都府新津縣界七十
里東南至資州井研縣界六十里西南至嘉定府
夾江縣界七十里東北至成都府華陽縣界八十里

西北至邛州蒲江縣界四十里本州境東西距七
十里南北距五十五里東界仁壽縣西界丹稜縣
南界青神縣北界彭山縣自州治至

京師五千九百里明洪武九年降州為縣屬嘉定州
十三年升為直隸州

本朝因之康熙六年省青神縣雍正六年復置凡領
縣三

丹稜縣

在州西
六十里

彭山縣

在州北四十里

青神縣

在州東南六十里康熙六年省入眉州雍正六年復置

邛州在省治西南一百八十里東西距二百十里

南北距一百三十五里東至成都府新津縣界五

十里西至雅州府蘆山縣界一百六十里南至眉

州丹稜縣界六十五里北至成都府灌縣界七十

里東南至眉州彭山縣界五十里西南至雅州府

名山縣界六十里東北至成都府崇慶州界七十

里西北至雅州府天全州界六十五里本州境東
西距二百十里南北距七十里東界新津縣西界
蘆山縣南界蒲江縣北界大邑縣自州治至

京師五千八百九十里明洪武九年降州為縣成化
十九年升為直隸州

本朝因之領縣二

大邑縣

在州北少
東四十里

蒲江縣

在州東南
六十里

瀘州在省治東南七百五十里東西距三百里南
北距三百二十里東至重慶府江津縣界一百七
十里西至叙州府南溪縣界一百三十里南至叙
永廳永寧縣界一百九十里北至重慶府榮昌縣
界一百三十里東南至貴州尊義府懷仁縣界三
百三十里西南至叙州府興文縣界五十里東北
至江津縣界一百三十里西北至叙州府隆昌縣
界一百五里本州境東西距一百十里南北距一

百六十里東界合江縣西界江安縣南界納谿縣
北界榮昌縣自州治至

京師五千七百里明洪武初升為直隸州

本朝因之領縣三長官司一

納谿縣

在州西南四十里

合江縣

在州東一百二十里

江安縣

在州西南一百十里

九姓長官司

在州西南二百十里明洪武時為九姓長官司本朝順治四年復置今

司雍正年間並
設州同治此

茂州在省治北少西四百十里東西距一百八十
里南北距四百三十里東至龍安府石泉縣界一
百里西至番界八十里南至成都府灌縣界二百
七十里北至松潘廳界一百六十里東南至綿州
安縣界一百二十里西南至瓦寺安撫司界一百
四里東北至石泉縣界一百里西北至疊溪營臨
大江九十里本州境東西距一百七十里南北距

一百五十里東界石泉縣西界番寨南界汶川縣
北界疊溪營自州治至

京師五千二百七十里明洪武初省州治汶川縣入
州屬成都府

本朝初因之雍正五年升為直隸州省威州入保縣
與汶川縣並來屬領縣二安撫司二長官司三

保縣

在州西南八十里初屬成都府雍正五年省威州入保縣移保縣治于故威州城屬茂州

汶川縣

在州西南一百二十里初屬成都府雍正五年分屬茂州

長寧安撫司

在茂州西北四十里明洪武七年置安撫司本朝順治九年復置今司

靜州長官司

在茂州東二里明洪武七年置長官司本朝康熙五年復置今司

岳希長官司

在茂州西五里明洪武七年置長官司本朝康熙五年復置今司

隴本長官司

在茂州東北四十里明洪武七年置安撫司本朝順治九年復置今司

以上土司
屬茂州

瓦寺安撫司

在汶川縣西北二十里明洪武時置長官司本朝康熙五年復置今司

分屬汶
川縣

自各土司之外又分設土巡司及土千百戶以領

各寨番民曰水草坪土巡司曰牟托土巡司曰竹木坎土巡司皆于順治九年歸附授職屬茂州管轄曰大定沙壩土千戶曰大姓土百戶曰小姓土百戶曰松坪土百戶曰黑水土百戶皆于康熙四十二年歸附授職屬疊溪營管轄

綿州在省治東北二百七十里東西距三百里南北距一百五里東至保寧府劍州界一百五十里西至成都府漢州界一百五十里南至潼川府三

臺縣界四十里北至龍安府彰明縣界六十五里
東南至三臺縣界七十里西南至潼川府中江縣
界六十里東北至劍州界一百八十里西北至龍
安府石泉縣界一百三十五里本州境東西距一
百五里南北距一百五里東界梓潼縣西界安縣
南界三臺縣北界彰明縣自州治至
京師五千六百三十里明改為成都府

本朝初因之雍正五年升為直隸州以羅江等縣來

屬乾隆三十五年省羅江縣入州凡領縣四

德陽縣

在州西南一百二十里初屬成都府雍正五年分屬綿州

安縣

在州西北九十里初屬成都府雍正五年分屬綿州

綿竹縣

在州西南一百四十里初屬成都府雍正五年分屬綿州

梓潼縣

在州東北一百二里初屬保寧府雍正五年改屬綿州

資州在省治東南三百四十里東西距四百三十

里南北距五百里東至叙州府隆昌縣界一百五

十里西至眉州界二百八十里南至嘉定府樂山

縣界三百二十里北至成都府簡州界一百八十里東南至嘉定府威遠縣界八十里西南至眉州界二百九十里東北至潼川府安岳縣界八十里西北至成都府簡州界二百二十里本州境東西距一百三十五里南北距一百三十里東界內江縣西界仁壽縣南界威遠縣北界安岳縣自州治至

京師六千五十里明洪武四年降州為縣屬成都府

本朝初因之雍正五年升為直隸州以資陽等縣來

屬領縣四

資陽縣

在州西北一百三十里初屬成都府雍正五年分屬資州

內江縣

在州東南九十里初屬成都府雍正五年分屬資州

仁壽縣

在州西二百里初屬成都府雍正五年分屬資州

井研縣

在州西南二百四十里初屬成都府雍正五年分屬資州

達州在省治東一千二百里東西距二百七十里

南北距七百四十里東至夔州府開縣界一百五

十里西至順慶府渠縣界一百二十里南至順慶
府大竹縣界一百二十里北至陝西興安州界六
百二十里東南至忠州界一百八十里西南至大
竹縣界九十里東北至開縣界三百七十里西北
至保寧府巴州界一百三十里本州境東西距一
百八十里南北距一百三十五里東界新寧縣西
界渠縣南界大竹縣北界東鄉縣自州治至

京師四千六百七十里明洪武九年省州治通川縣

入州又降州為縣正德九年復改為州仍屬夔州

府

本朝初因之雍正六年升為直隸州以東鄉等縣來

屬凡領縣三

東鄉縣

在州東少北九十里初屬夔州府雍正六年分屬達州

太平縣

在州東北三百六十里初屬夔州府雍正六年分屬達州

新寧縣

在州東少南一百十里康熙七年省入梁山雍正七年復置仍屬夔州府十二年

改屬
達州

忠州在省治東一千五百里東西距二百六十里
南北距一百八十里東至夔州府萬縣界八十里
西至重慶府涪州界一百八十里南至石碕廳界
五十里北至達州新寧縣界一百三十里東南至
石碕廳界七十里西南至涪州界一百七十里東
北至萬縣界六十里西北至重慶府長壽縣界一
百四十里本州境東西距一百二十里南北距一
百十里東界萬縣西界酆都縣南界石碕廳北界

梁山縣自州治至

京師四千六百六十里明洪武初省州治臨江縣入

州屬重慶府

本朝初因之雍正十二年升為直隸州以鄧都等縣
來屬凡領縣三

鄧都縣

在州西南一百十里初屬重慶府雍正十二年分屬忠州

墊江縣

在州西一百三十里初屬重慶府雍正十二年分屬忠州

梁山縣

在州西北一百里初屬夔州府雍正十二年改屬忠州

酉陽州在省治東少南一千七百四十里東西距
四百七十里南北距六百三十里東至湖南永順
府保靖縣界四十里西至重慶府南川縣界四百
三十里南至貴州銅仁府平頭土司界二百八十
里北至石砭廳界三百五十里東南至湖南辰州
府及貴州銅仁府界二百五十里西南至貴州思
南府婺川縣界二百三十里東北至湖南施南府
來鳳縣界三百十里西北至重慶府涪州界四百

四十里本州境東西距一百四十里南北距二百三十里東界保靖縣西界思南府沿河土司南界銅仁府平頭土司北界黔江縣自州治至

京師四千八百二十里明洪武初廢紹慶府以彭水黔江二縣屬重慶府改酉陽州為直隸酉陽宣撫司永樂十六年以宣撫司亦屬重慶府天啟初又改宣撫司為宣慰司

本朝初因之雍正十二年以同知分領黔江彭水二

縣兼轄酉陽各土司為直隸黔彭廳乾隆元年改置酉陽州又增置秀山縣凡領縣三宣慰司一長

官司四

秀山縣

在州南二百里明為酉陽宣慰司地本朝乾隆元年置縣

黔江縣

在州北二百里初屬重慶府雍正十二年分屬黔彭廳乾隆元年屬酉陽州

彭水縣

在州西北二百里初屬重慶府雍正十二年分屬黔彭廳乾隆元年屬酉陽州

酉陽宣慰司

在州南境明洪武時置宣撫司天啟初改為宣慰司本朝順治十五年

復置
今司

石耶洞長官司

在州東南七十里明洪武時置長官司
本朝順治十六年復置今

司

平茶洞長官司

在州南二百里明洪武時為平茶洞長官司
本朝順治十六年復

置今

邑梅洞長官司

在州南二百十里明洪武時為邑梅洞長官司
本朝順治十六年

復置
今司

地壩副長官司

在州南一百里
本朝順治十六年置今司

叙永廳在省治東南九百九十里東西距二百五

十里南北距三百里東至貴州遵義府仁懷縣界
二百里西至叙州府興文縣界五十里南至雲南
昭通府鎮雄州界二百二十里北至瀘州納谿縣
界八十里東南至貴州大定府畢節縣界一百五
十里西南至鎮雄州界七十里東北至仁懷納谿
二縣界一百二十里西北至興文縣界八十里本
廳境東界仁懷縣南界鎮雄州西與北並界永寧
縣自廳治至

京師五千九百三十里明洪武四年為永寧長官司
又增置永寧衛分屬貴州都司八年復升長官司
為宣撫司天啟以後廢宣撫司

本朝康熙初置同知治此隸四川叙州府以永寧衛
隸貴州威寧府二十六年改衛為縣仍隸威寧雍
正五年裁同知以其地併入永寧縣改屬叙州府
八年復設同知治此領永寧一縣為叙永廳直隸
于川南道

永寧縣

與廳同城分治西北境明永寧衛
地本朝康熙二十六年改置縣

松潘廳在省治西北七百二十里東西距二百七
十七里南北距二百二十六里東至小河營界八
十七里西至生番界一百九十里南至疊溪營界
一百九十六里北至漳臘營界三十里自廳治至
京師五千一百七十里明洪武十一年置松州潘州
二衛尋併為松潘衛二十年改松潘等處軍民指
揮使司隸四川都司嘉靖四十二年復改松潘衛

本朝初仍為衛置總兵官鎮守其地雍正九年裁衛
移龍安府同知治此仍屬龍安府乾隆二十五年
直隸於松茂道

凡松潘地方分設土千百戶以領各寨番民曰包
子寺寨土千戶曰幾眉喜寨土千戶曰七布寨土
千戶曰拈佑喀亞寨土百戶曰熱務寨土百戶於
康熙四十二年歸順授職曰毛草阿按土千戶曰
麥雜余灣寨土千戶於雍正四年歸順授職屬松

潘鎮中營管轄曰阿思崗土千戶於康熙四十二年歸順授職屬松潘左營管轄曰九關雲昌寺寨土千戶曰六關呷竹寺寨土千戶曰丟骨寨土千戶於康熙四十二年歸順授職屬平番營管轄曰商巴寨土千戶曰寒盼寨土千戶曰祈命寨土千戶曰香咱寨土百戶曰押頓寨土百戶曰羊崗阿按寨土百戶曰羊崗挖藥寨土百戶曰羊崗塔藏寨土百戶曰羊崗郎寨土百戶曰羊崗竹自寨土

百戶曰羊崗藏咱寨土百戶曰羊崗中岔寨土百戶曰拜王亞寨土百戶曰達弄阿壩寨土百戶曰洛瑪寨土百戶曰八頓寨土百戶於康熙四十二年歸順授職曰上阿壩甲多寨土千戶曰中阿壩墨倉寨土千戶曰下阿壩阿強寨土千戶曰郎墮安出寨土百戶曰鵲個寨土百戶於雍正四年歸順授職曰上郭羅克車本塘寨土百戶曰中郭羅克押落寨土千戶曰下郭羅克納卡寨土百戶曰

上阿樹銀達寨土百戶曰中阿樹宗個寨土千戶
曰下阿樹郎達寨土百戶曰小阿樹土百戶於雍
正七年歸順授職屬漳臘營管轄曰上包坐佘灣
寨土千戶曰下包坐竹當寨土千戶曰川柘寨土
千戶曰谷爾壩那浪寨土千戶曰雙則紅凹寨土
千戶於康熙四十二年歸順授職曰上撒路木路
額寨土百戶曰中撒路散安寨土百戶曰下撒路
竹弄寨土百戶曰崇路谷謨寨土百戶曰作路生

納寨土百戶曰上勒四貢按寨土百戶曰下勒四
卜頓寨土百戶於雍正四年歸順授職曰班佑寨
土千戶曰阿細柘弄寨土百戶曰巴細余任壩寨
土百戶曰合壩獨雜寨土百戶曰轄漫寨土百戶
曰上作草寨土百戶曰下作草寨土百戶曰物藏
寨土百戶曰熱當寨土百戶曰磨下寨土百戶曰
甲凹寨土百戶曰阿草寨土百戶於雍正五年歸
順授職屬漳臘營潘州管轄

雜谷廳在省治西北五百三十里東西距一千五百六十里南北距一千九百里東至保縣界六十里西至生番界一千五百里南至金川土司界七百里北至生番界一千二百里自廳治至

京師五千三百九十里明置雜谷安撫司並置保縣於此

本朝初因之雍正五年移保縣于舊威州城乾隆十七年設同知駐舊保縣地方分理番民直隸於松

茂道領宣慰司一安撫司二長官司一

雜谷開宣慰司

在雜谷廳東本土者苗裔世居於此其先於明時授安撫司本朝

康熙十九年歸附仍授原職乾隆十四年以從征金川功加授宣慰司

梭磨安撫司

本雜谷開土司所屬於雍正元年歸附授長官司七年降副長官司乾隆

十四年以從征金川功加授安撫司

竹克基長官司

本雜谷開土司所屬乾隆十四年以從征金川功授長官司

沃日安撫司

在雜谷廳東南三百餘里其先於明時授灌頂淨慈妙智國師本朝順

治七年歸附仍授原職復改為安撫司

阿爾古廳在省治西一千二百一十里東西距二
百六十里南北距三百里東至小金川土司界一
百一十里西至綽斯甲布土司界一百五十里南
至布拉克底土司界二百一十里北至丹壩土司
界九十里東南至小金川土司界一百八十里東
北至卓克采土司界一百八十里西南至草布什
咱土司界一百五十里西北至綽斯甲布土司界
一百八十里由廳治至

京師五千七百里本氏羌部落明代有哈伊拉木者

哈伊拉木舊作哈
衣麻衣今改正得封演化禪師世有其地

本朝康熙六十一年土舍莎羅奔向化歸誠雍正元
年授為撫司八年頒給印信號紙乾隆七年其子
郎卡承襲自稱金川陵轢種類侵軼邊徼後奉

詔聲討勢窮力蹙於十四年春乞降請命

赦而弗誅迨其子索諾木性尤凶暴侵殺草布什咱各
土司於是

命將行師掃其巢穴四十一年春索諾木兄弟四人及其母阿倉姑阿青均獻俘授首乃於其地設阿爾大廳直隸四川省

美諾廳在省治西八百六十里東西距一百七十五里南北距五百七十里東至鄂克什土司界三十五里西至舊金川土司界一百四十里南至木坪土司界一百八十里北至梭磨土司界三百九十里東南至瓦寺土司界二百一十里東北至雜

谷廳界三百里西南至明正土司界二百一十里
西北至卓克采土司界四百二十里自廳治至

京師五千七百里漢為西南諸蠻唐時吐蕃有其地
在明代曰金川寺演化禪師傳至卜兒吉細於

本朝順治七年歸誠授職與金川同姓蕃人稱金川
云浞浸稱小金川云攢拉浞浸者大河濱之謂攢
拉者小河濱也乾隆十三年土舍良爾吉以陰附
金川侵迫土司澤旺經畧傅恒廉得伏誅迨澤旺

老子僧格桑猝詐不法屢圖鄂克什且侵明正土
司三十九年

王師討平之四十一年於其地設美諾廳直隸四川省

臣等謹按蜀徼諸土司為西南夷種類憑踞巢穴

自相攻擊易動難馴自古為然而金川地更僻遠

層峰疊嶂與中國道路不通據隘設碉資以自固

其酋莎羅奔恃其地險構釁諸番維時梁益守臣

請加問罪

上猶以苗蠻頑梗無知互相仇殺其性固然不必遽煩
軍旅惟

勅滇固封守無使侵軼既而跳梁負固罔有悛心始不
得已出師致討然

聖度廣遠猶冀其望風知懼草面來降也屬以一二臣
之經理遷延膚功未集

皇上特命重臣

授以方畧於是誅其奸黨大振軍威莎羅奔自知理無

倖生乃窮感投誠乞免斧鉞我

皇上神機默運獨斷不疑法

天地之包容明神武之不殺因其哀籲即予納降所謂逆則討之順則撫之

天朝綏靖蠻方之道固有義盡而仁至者矣

恭載乾隆十四年

御製平定金川告成太學碑文

天畀我皇清握乾符俯坤軸函括萬邦悉主恚臣

五后繼承創守佑啟亦惟是二三蓋臣布德宣力予曰有
先後予曰有禦侮用造我不丕基罔有藥芽罔不煦
姬長養游於大當粵有金川娑羅奔者居西蜀桃關
以外界緙斯甲小金川之間向曾從征得受符檄與
諸土司齒顧恃其險遠夜郎自大構釁鄰番各土司
申訴封疆吏吏曰蔓之不圖豈其視為甌脫乃請兵
籌餉期掃其穴而司其事者或怯縮以老師或獯狁
以蓄志軍無適從事用弗集予心憫然念邊徼之不

寧或致增防置戍重勞吾民大學士忠勇公傅恒義
同休戚毅然請肩斯任乃命以經略印益厚集諸路
軍芻粟相繼閭閻不驚卜吉於戊辰十一月之三日
禡牙以指所征朕親御武帳賜經畧酒以行天日和
昶陽氣宣復都人士聽觀聳躍罔不忭喜謂露布之
旦暮至也乃歷燕晉驅秦隴越劍閣絕川江凌桃關
之巖經天射之峻又日計軍實而教誡拊循之均其
渴飲飢食同其曉征夜眠至於密贊機務親草奏章

則又經畧獨勤其勞而諸武臣有所不知有弗能共
者恩威既明士用益勵度番落如戶庭過部伍於祗
席奸酋授首軍聲大振復以巨礮擊其碉堅碉以摧
將俟諸軍之集搥其中堅而番酋驤瞿駝喙稽首請
降經畧臣以彼罪重惡極窮而乞生久或渝且備馬
慮不允所請朕惟

天地之德在好生彼蟻潰而鼠駭者毋寧赦而宥之且求
降而盡殲之不可謂武矧不足以污我斧也於是經

畧宣朕明旨登壇受降己巳二月之望日金川平定
捷音至京是役也深入數千里奏凱未旬而振旅
之師多有返自中途未究其用者昔之成功巴蜀如
建武之定公孫江陵之降李勢皆在版圖之內無足
比數廷臣舉

皇祖朔漢

皇考青海成例請勒碑成均以示來許夫東丹誠而運籌
決勝永靖荒徼者經畧大學士之功也商可否於帷

幄衝矢石於行陣者參贊大臣及諸將士力也朕何有焉惟是體

乾元之德凜佳兵之戒保大定功安民和衆庶幾可以垂則乎乃系之辭曰

維

天生人類聚羣分凡茲林林孰非我民有羈而縻有誨而諄豈伊異視遠近殊倫守在四夷稽古名言無已用之寓義於仁蠢彼金夷恃其險阻蠶食獮張謂莫

我拒不靖不庭侵厥鄰聚駭奔吠以干大咎匪棘
匪紆玃狁之故我張我伐玃狁之故我師既集賊
亦相持匪敢相持懼誅自支兩易寒暑敕功稍稽賊
益以狂怒臂當車罪臣既誅以徇我師朕咨於恒汝
往視之朕咨於恒惟汝同德惟我庶士亦久於役
將茲旗兵羽林神策其勇熊羆其心金石何敵弗摧
何攻弗克濟以汝忠奏捷頃刻恒拜稽首臣敢弗
獲既禡既宜師出於京師出於京時維一陽未逾五

旬乃壓其疆前旌獵獵有節煌煌羣番迺驚謂自天
降惟彼攸恃曰良爾吉以偵以謀如鬼如蜮其恃
爰誅其類股慄紀律是明我兵是詰鑄礮攻碉其守
以失惟是懼誅潛弗敢出其潛弗出乃旦夕延將
齊我軍披其中堅大鞬大膊期目之前彼乃窮蹙乞
降悚虔惟命是從六事永遵除道築壇肉袒羊牽
赳赳鍾琪乃度之愬聿抵賊巢開誠以諭攜其二酋
軍門親赴悔罪歸誠車塵馬足順斯撫之昭我王度

昔也雷霆今也雨露 七縱諸葛單騎汾陽曰我相
臣於前有光晉爵錫服黼黻龍章速歸黃閣左右贊
襄休養生息惠鮮蜀邦我武既揚無疆惟慶

恭載乾隆四十一年

御製平定兩金川告成太學碑文

文曰太上立德其次立功又其次為立言而德與功皆
賴言以傳言之無文行而不遠文之時義大矣哉然
傳德之辭直而寡傳功之辭費而多直而寡者不因

文而德自見二典三謨經世立教是也費而多者必
因文而功乃明周誥殷盤佶屈聶牙是也吾嘗讀韓
昌黎平淮西碑益悲此言之不爽何則彼其藩鎮乃
家奴之類慙愚因循以致宛成敵國削而平之是宜
引以為愧而不可炫以為功賴昌黎之文幾與江漢
常武同稱耆定然有識者固知其辭費而多飾而未
知憲宗之愧與弗愧耳今之平定金川之文不有類
於斯乎解之者曰逆酋羈縻徼外非若淮蔡之居中

土元濟之為世臣也吾則以為既已受職為土司則是我臣而其地近接成都遠速衛藏則是我土我土我臣而橫生逆者蠶食隣封將欲大有所為弗勦而滅之則西川將不能安枕茲雖歲事與平定淮蔡擒吳元濟何以異故宜引以為愧而不可炫以為功者以為功者以此金川之始見於己已告功之文茲不復記記其復叛而復征則其陰謀負恩已自戊寅年始蓋戊辰之師實緣其跳梁不靖而師既臨境彼即

窮蹙乞降遂以赦罪班師甫十年而其酋卽卡卽與
草布什咱構釁又四年遂與綽斯甲布及三雜谷為
敵而逆子索諾木凶悖益甚自恃地廣人衆力強與
各土司構兵訖無寧歲故各土司皆畏之如虎而以
勢分力散又莫能如之何余以為業已受其降不宜
復加兵且蟻鬬蠻觸不足以勞王師因命地方文武
大吏隨宜彈壓令弗越內地界亦足以安民而示度
耳不虞地方大吏欲息事而每示寬逆酋轉以為無

足懼而日益逞其小金川逆酋僧格桑者始則與索諾木水火相仇繼乃狼狽為奸於是索諾木汁殺草布咱土司色楞敦多布取其印敕以歸而僧格桑亦侵佔鄂克什地界且發兵圍其土司色達拉之官寨期必於取總督阿爾泰提督董天弼知事不可掩乃有發兵之請是役也或咎阿爾泰依違誤事之過而余則以為阿爾泰之過皆余之過蓋金川因其地險衆悍久蓄異志是以有殺至維州橋之謠

維州本漢徼外羌冉

驍地蜀將姜維征羌駐此築壘後因名為姜維城唐武德初因其地置維州屢叛屢復廣德中陷吐蕃號為無憂城遂屢入寇擾大時始復內附五代蜀州內徙改縣曰保寧宋景德初改曰威州元至元間以州治保寧縣并入明洪武初於州境析置保縣本朝雍正五年省威州入保縣屬茂州今其地尚有維州橋之稱而促浸番人以殺至維州橋播為謠曲似係聞吐蕃舊事妄異效尤耳則其不忘內

地情率可知戊辰之役我師深入屢勝即不宜赦其罪而受其降此一誤也甫十年而郎卡偕恩作亂以及逆子踵其蹟皆不及發兵問罪惟令地方大吏隨宜處置又屢誤也以至尾大不掉終於興師故予不咎

人之議為窮兵黷武而轉咎已之類於姑息養奸蓋
中國之制外域張撻伐則彼畏而歛跡主和好則彼
輕而生心漢唐宋明之覆轍率可按也若謂予窮兵
黷武則予賴

天恩平伊犁定回部拓疆二萬餘豈其尚不知止足而欲
滅叢爾之金川以為揚赫濯紀勲烈之圖哉雖然平
伊犁定回部其事大矣然費帑不及三千萬成功不
過五年茲兩金川小寇地不逾千餘里人不滿三萬

戶而費帑至七千萬成功亦遲至五年則以跬步皆
險番奴效命死守故能延至今日而我將軍阿桂立
志堅定決機明敏兩副將軍及叅贊領隊諸臣同心
合力各軍士敵愾奮勇凡經大小數百餘戰而後成
功視平伊犁定回部費力轉不啻倍蓰設非

天恩助順衆志成城則金川未易言滅而國威或致少損
矣是不可以不記觀斯文者尚諒予懷慚悔過之不
暇知非稱功詡德而為言其庶幾乎繫之以辭用誌

始末云爾

小金首禍曰僧格桑兵救鄂什

向稱沃日今定為鄂克什急呼之則鄂什

竟抗顏行

僧格桑於庚寅夏與鄂克什土司構怨稱兵阿爾泰董天弼親往誠諭奏稱逆酋遵

教退歸亦遂釋而不問未數月復圍鄂克什辛卯夏阿爾泰乃遣兵護鄂克什而逆酋亦遂與官兵交戰

督臣提臣每事遷就知弗勝任將軍別授

阿爾泰等名為進兵

仍思遷就完事因諭溫福由滇赴川經理軍務且命桂林馳往視之辛卯冬因阿爾泰始終遲疑玩候遂

罷其職而以溫福代為大學士授定邊將軍由西路督兵進攻其四川總督則令桂林代之統兵攻勦南

路攻破巴朗

向訛為班今改直取達圍進抵資哩數月克

之兩路夾擊遂得美諾竄狼奔金川助惡

溫福初至西路

即巢勵將士攻克巴朗拉乘勝直取達圍進資哩數月而克之繼命豐昇額為副將軍同溫福進勦賊尋追還木蘭壩我兵進抵路項宗桂林在南路其始頗合機宜連破約咱卡了諸寨並復草布什咱侵地尋為宋元俊所誣致有墨壟溝之失桂林匿不上開路為阿爾泰所劾因即罷斥而令阿桂為副將軍赴南路代領其兵南路自達烏至僧格宗皆峭壁懸崖礮卡林立阿桂董飭官軍勵勇摧堅深入其阻乘勝進擣美諾賊營壬辰十一月遂克之溫福亦攻克明郭宗至美諾與阿桂會復督兵攻取布朗郭宗逆酋自僻徑竄入金川擒其父澤旺解京乃傳檄撫定汗牛大板昭寓寨落小金川悉平而金川逆酋諾木復敢黨惡拒命因移既平趨拉小金川番遂討促浸

兵並勦之

移

既平趨拉

小金川

番

遂討促浸

即金川省語名

雪多境陰奏功以沈奏功以沈賊更遮卻綠營怯懦

遇戰辟易

攻勦促浸之兵溫福由功噶爾拉阿桂由當噶爾拉分兩路並進功噶爾拉之為卡

撒了口賊築礮斷徑不能進遂別由昔嶺繞攻而礮堅地險兼多雨雪攻三車半年雖屢得賊卡終未扼

其要害綠旗兵既懦蔥溫福又不善調度以二萬餘人散布各卡防守遂以分而見單賊窺其罅隙於癸

巳六月遣番衆數百由間道潛至煽誘趙拉降番復叛董天弼庸懦失守為賊所戕賊益猖獗援溫福後

路直侵大營綠營兵衆先潰將領戰沒者多溫福率親兵與賊搏戰亦遇害趙拉之地復失逆酋等罪大

惡極愈不兵既無能將復失算豈如南路全師而返可寬矣

叶阿桂在當噶軍律明而士心固賊不敢犯然木果木有事之後當噶亦難獨駐遂整勵兵衆由南路

全師而出重調勁旅吉林索倫健銳火器其心忠純簡派

八旗兵三千令赴川助勦為溫福等奏止使木果木軍營有滿洲兵在彼則綠營得所依恃亦不致倉皇潰竄是其事仍由溫福自誤幸阿桂一路軍氣甚整即投為定西將軍並健銳火器營兵三千吉林索倫黑龍江兵四千迅仍分兩路堂堂正正不旬日間美赴軍營重籌進勦

諾重定

癸巳冬將軍阿桂統兵由西路進攻其南路則令明亮為副將軍進勦兩路並進所向克

捷旬日之間即收復小金川全部

谷噶既入馬尼

去聲並克泰養旗兵

允得其力

阿桂等於甲午正月搶佔谷噶了口山梁明亮等亦於是時攻克馬尼兩路之兵皆

因有八旗勁旅奮勇先登綠營觀感激勸皆効法恐後奏績甚速醜三路進一阻宜

喜及絛絨布遇隆而止

副將軍營豐昇額同舒常於宜喜駐兵與阿桂明亮共成

三路第宜喜之兵攻勦半載未能寸進而明亮則由馬尼坎得木谿卡角及抵庚額特亦阻險而未能進

遂駐絛阿桂西路則屢建功羅博溯普逮遜克宗

甲午

三月阿桂攻克羅博瓦山梁六月攻克色溯普此諸寨並峯峻礮堅賊衆悉力死守官軍皆涉險鏖攻殲

醜甚衆遂臨

喇穆山梁日則了口舉默格爾以擾其

後我兵攻克色溯普後賊衆防守益力阿桂偵知喇穆喇穆迤西峯陡陡削賊備禦稍疎因分兵超越

進攻盡據其礮並攻克日則了口亦六月中事其後兵進稍阻至十月初復繞道攻得默格爾山梁其榮

噶爾博曰爾八當明亮宜喜亦據崩梁而復難進徒

然望洋

宜喜為賊要隘守禦極嚴豐昇額舒常攻之一年未下繼而命豐昇額改赴西路舒常在

彼更不能進甲午夏間明亮在綏布屢攻未進不宜頓兵於無用之地令其分兵七千移改正地明亮遣

偵卒往探不見賊蹤難以輕進亦赴西路協勦阿桂札止之會綽斯甲布土司懇明亮駐宜喜并願效前

驅明亮乃出其不意分兵冒雨直進遂據宜喜山梁並攻得俄坡格勒古賊囤拙濠斷路明亮等復為所

阻逮昨乙未畧康薩爾木思土噶賊卡並毀
阿桂自

格爾欲乘勝直進賊復於康薩爾山梁抗拒兩月餘乙未正月阿桂派兵分路前進拔其鹿角連越重濠

躍上碉頂遂毀其碉賊眾四月復攻得明亮河西木思土噶克了口從此下壓勢益順矣

亦有所據日旁以前五十里路
明亮因達爾圖之路為賊所斷商之阿桂

謂當仍由宜喜一路進攻並派西路兵一千令福康
安帶往攻克甲索硯卡海蘭察亦往會攻合力并擊
先克撒撒其曰旁右之沙壩山並達爾圖得楞及溝
內之斯木咱爾各賊皆紛紛棄硯遁周圍五十餘里
寨落悉焚夾河兩軍聲息可通並請後路遜克爾宗
行焚燒

五月

中明亮攻克額爾替硯卡可下至平坡六月間復攻
克石真噶寨阿桂派兵沿河從赤爾寨攻打隔河之
沙爾尼一帶兩崖夾擊聲息可通迨阿桂攻得噶爾
丹喇嘛寺等處居高得勢以遜克爾宗在我兵之後
留之非計遂派兵三路分進豐昇額爾督率攻勦或斫
寨而入或梯牆而進遂得其硯殺賊無算後路亦肅
清矣
爾喇嘛寺在拉枯喇嘛寺之上於此路尤為扼要其
舊則大海亦當並勦分派將領統兵同往其昆色爾

山梁最險官兵皆蟻附上得佔其碉寨復縱火焚燒拉
枯喇嘛寺又攻得舊則大海官兵無不造越而登飛
騰而遂克勒圍紅旗飛遞而何四月大捷未至既克
入

西里乃若建瓴科布

曲索隆古

不日而傾

阿桂於八月十五夜

攻克勒烏圍其附近碉卡木城六十餘處一夕無不
摧破八日而紅旗遞至木蘭詳見聞捷凱歌及誌事

詩自奏捷後四閱月雖時有克獲未能深入直至十
一月初攻克西里軍聲愈壯而賊勢愈蹙尋即攻得

科布曲索隆古山梁並克格隆古覓窩等要
隘又掃清安布魯木一帶並據建瓴之勢矣雍中舍

齊易如拉朽密圍噶喇

依賊其奚走

阿桂既由索隆古進攻朗阿古

則朗噶克了口等處皆克之並據噶佔山梁十二月
十七日遂由瑪爾古當噶一帶寨落悉行掃蕩並克

舍齊喇嘛寺次日復攻克雍中喇嘛寺即於十九日
統兵直擣噶喇依四面圍攻水陸俱斷促浸番衆自
攻克勒烏圍以來大小男婦紛紛投出其大頭人布
籠普阿納木達什阿庫魯等遂皆相率乞降並索諾
木之母阿倉姑阿青及其姊妹亦皆投至軍營僉云
索諾木莎羅奔兄弟并作惡之大頭人丹巴沃雜爾
等皆在圍中此蓋逆酋賊黨等罪孽是時河西明亮
深重天奪其魄驅之一處以就擒也

亦入富德馬邦傳檄芥拾

明亮既克阿爾古等寨克
取獨古木開通乃當山梁

並擣甲雜掃獨松河西一帶悉行勦洗過河會阿桂
合攻賊巢富德亦將河南北之噶咱普庚額特曾達
等各寨落全行掃清直據馬爾邦亦遣兵與阿設非
桂會富德所得之地俱不煩兵力易如拾芥
西路圍噶喇依則其兩路亦無進期
明亮富德兩路
向皆艱於攻取

而富德久駐絨布尤未能寸進自阿桂既克索隆古
乘勝席卷已圍噶喇依各處之賊皆膽破心散望風
潰降非果由力戰而得若非西路官兵直搗諸軍既
賊巢則明亮富德兩路仍未有進取之期也諸軍既
合火功周遭雖據三穴訖其奚逃然猶死守四十餘

日計窮力竭乞命而出

官兵四面合圍賊猶負隅力
抗繼用大礮環轟摧其礮卡

將士等乘勢克取旁近寨落層層進逼賊日多逆
苗惶懼遣其兄岡達克彭楚克次第詣營並即拘繫
於是攻圍益急據其近礮斷其水道索諾木窘迫無
計遂於二月初四日早率其兄弟莎羅奔甲爾瓦屋
離爾斯丹巴並兩土婦及黨惡大頭人丹巴沃雜爾
阿木魯緯富斯甲尼瑪噶喇克巴並兩喇嘛挈大小
頭目男婦二千餘人出寨逆面跪捧印信乞免誅戮
因即悉就擒獲俘獻京師自圍勦以來計四十餘日

至是全境蕩平罪人斯得紅旗于二月十二日馳至桃花寺行宮適當告功

東陵之期此實仰賴

皇祖默佑益深感敬隨諭將軍阿桂等統成功將士擇日凱旋俟東巡回蹕至黃新莊舉行郊勞大典以昭偃武

策勲之盛

金川之功阿桂居首特恩異數加之宜厚

征勦金川之役實由將軍阿桂蓋誠體國不憚艱勞制勝運籌克成偉績實為此事首功特封為頭等誠謀英勇公加賞雙眼花翎紅寶石帽頂四團龍補褂金黃帶紫轡以昭崇獎

能出能入有

權有經運長擊短後實先聲金川之功允資羣力寸

步層峯冰滑石仄將軍指揮無不奮勇以此破敵鹿埕

隴種金川之功非予所期事弗可已久而得之闕猶

獸困捨懲雞肋念我衆勞至今心惻金川之功允賴
上蒼靖彼蕃徽我武維揚勒碑太學用遵成例靜言思之
文以誌愧

石碁廳在省治東一千六百四十里東西距二百
二十里南北距二百四十里東至湖北施南府恩
施縣界一百二十里西至忠州酆都縣界一百里
南至西陽州黔江縣界一百六十里北至忠州界
八十里自廳治至

京師四千八百里明洪武八年置石砭廳撫司仍屬
重慶府嘉靖四十二年改屬夔州府

本朝順治十六年歸附授石砭宣慰司仍屬夔州府
乾隆二十七年改設流官以同知治此直隸於川

東道



皇朝文獻通考卷二百八十六

欽定四庫全書

史部

皇朝文獻通考卷二百

八十七
至九十

中書臣張經田覆勘

總校官檢討臣何思鈞

欽定四庫全書

皇朝文獻通考卷二百八十七

輿地考

十九

廣東省

臣等謹按馬氏輿地考惟以潮州梅州入古揚州

域餘則別列為南越以五嶺之南即非禹跡所及也周初以南海為藩服其後楚既滅越越子孫散處江南海上是為百越考百越之稱一在禹貢揚

州之域史記秦降百越之君置會稽郡又以閩越
王東海王地置閩中郡是也一在揚荆二州徼外
即古南越亦稱百粵又名揚越史記秦并天下略
定揚越又漢立尉陀為南越王使和集百越是也
禹貢揚州曰淮海說者以為及潮陽之海而止蓋
自江西大庾嶺東南羣山綿亘以達於廣東潮州
府之揭陽即揚之南界荊州曰荆及衡陽說者以
為及嶺而止蓋自湖南騎田嶺迤西接都龐萌渚

越城諸嶺卽荆之南界故水經注謂五嶺者天地以隔內外也秦漢以來日漸開闢至我

朝德化遠被道一風同自嶺嶠以外文物聲明蔚然極盛洵乎

聖治之隆非山川風會之所能限已若夫廣東諸郡半皆瀕海昔禹貢言東漸於海而朔南但曰暨者以其未至於海也今則海疆清晏琛賁畢臻若夫小西洋及南洋諸島貢市來往悉取道於廣東長波

萬里浮舶不驚斯尤承平之盛軌迥越乎前古者
矣

廣東明廣東等處承宣布政使司治廣州府領廣
州韶州南雄惠州潮州肇慶高州廉州雷州瓊州
十府羅定一州又置廣東都指揮使司領廣州等
十五衛增城等各守禦千戶所

本朝初因之設總督駐廣州府兼轄廣東廣西設廣
東巡撫及布政使司按察使司並駐廣州康熙二

年令總督專轄廣東四年仍兼轄兩廣雍正元年
復令專轄廣東後復兼兩廣七年陞連州為直隸
州十一年陞程鄉縣為直隸嘉應州凡領府十直
隸州三各衛所以次裁併入州縣東西距二千五
百里南北距一千八十里東至福建漳州府詔安
縣界一千里西至廣西南寧府界一千五百里南
至海三百里北至湖南郴州府陽縣界七百八十
里東南至海二百八十里西南至梧州海二千四

百里東北至江西贛州府長寧縣界八百里西北
至廣西平樂府賀縣界七百三十里在

京師西南七千五百七十里

廣州府為省治東西距四百二十里南北距六百
四十五里東至惠州府博羅縣界二百二十里西
至肇慶府高要縣界二百里南至香山縣前山寨
三百四十里北至韶州府英德縣界三百五里東
南至海四百里西南至肇慶府陽江縣界五百四

十里東北至英德縣界三百五十里西北至連州
連山縣界七百八十里自府治至

京師八千一百八十五里明為廣州府領州一縣十

五

本朝初因之康熙二十四年增置花縣雍正五年升
連州為直隸州以陽山連山二縣往屬凡領縣十

四

南海縣

附郭治
府東境

番禺縣

附郭治
府西境

順德縣

在府西南
一百里

東莞縣

在府東南一
百八十里

從化縣

在府北一
百三十里

龍門縣

在府東北
二百十里

增城縣

在府東一百
六十二里

新會縣

在府西南二
百三十里

香山縣

在府南二
百二十里

三水縣

在府西北一百七十里

新寧縣

在府西南三百六十里

清遠縣

在府北三百四十里

新安縣

在府東南二百六十里康熙五年省入東莞縣八年復置

花縣

在府北九十里康熙二十四年析南海番禺二縣地置縣

臣等謹按廣州府屬有澳門孤懸海中明史謂之濠

鏡澳自明嘉靖中移蕃舶互市于濠鏡後許其築

室于澳歲納地租佛郎機人始居之明季有意大

大里亞人居澳自後來者日衆遂專為大西洋人所居我

朝加惠遠人仍准其依棲澳地乾隆八年設軍民同知駐前山寨專理澳夷事務於是撫綏有道稽覈有方俾外域夷人均得涵濡

聖化誠柔遠之盛軌也

韶州府在省治北少東一千里東西距六百里南北距五百九十里東至南雄府始興縣界一百五

十里西至連州陽山縣界四百五十里南至廣州
府清遠縣界三百七十里北至湖南郴州桂陽縣
界二百二十里東南至惠州府連平州界二百八
十里西南至清遠縣界四百五十里東北至始興
縣界一百六十里西北至郴州界二百五十里自
府治至

京師七千三百三十五里明為韶州府降英德州為
縣

本朝初因之領縣六

曲江縣

附郭

樂昌縣

在府西北
八十里

仁化縣

在府東北
一百里

乳源縣

在府西少
南九十里

翁源縣

在府東南一
百八十里

英德縣

在府西南二
百二十里

南雄府在省治東北一千三百里東西距三百四

十里南北距三百四十里東至江西贛州府信豐
縣界一百四十里西至韶州府仁化縣界三百里
南至翁源縣界二百五十里北至江西南安府大
庾縣界九十里東南至信豐縣界二百里西南至
翁源縣界二百二十里東北至信豐縣界二百里
西北至大庾縣界二百里自府治至

京師七千三十五里明為南雄府

本朝因之領縣二

保昌縣

附郭

始興縣

在府西一百里

惠州府在省治東少南三百里東西距六百九十
三里南北距六百七十里東至潮州府揭陽縣界
五百九十三里西至廣州府東莞縣界一百里南
至海一百二十里北至江西贛州府龍南縣界五
百五十里東南至潮州府惠來縣界四百四十里
西南至廣州府新安縣界一百七十里東北至贛

州府長寧縣界六百七十里西北至韶州府翁源縣界四百八十里自府治至

京師八千四百八十五里明改惠州路為府廢循州增置連平州領州一縣十

本朝初因之雍正九年增置陸豐縣十一年以興寧長樂二縣往屬嘉應州凡領州一縣九

歸善縣

附郭

博羅縣

在府西北三十里

長寧縣

在府北少西四百里

永安縣

在府東少北二百里

海豐縣

在府東少南三百里

陸豐縣

在府東三百五十里雍正九年析海豐縣地置縣

龍川縣

在府東北四百二十里

連平州

在府北四百里

河源縣

在府北少東一百五十里

和平縣

在府東北四百二十里

潮州府在省治東八百七十八里東西距五百里
南北距三百三十里東至福建漳州府詔安縣界
一百五十里西至惠州府陸豐縣界三百五十里
南至澄海縣海岸九十里北至福建汀州府上杭
縣界二百四十里東南至海門二百四十里西南
至惠州府海豐縣界七十八里東北至詔安縣界
四百里西北至江西贛州府長寧縣界四百五十
里自府治至

京師九千六百三十三里明為潮州府領縣十一

本朝初因之雍正十一年升程鄉縣為直隸嘉應州
以平遠鎮平二縣往屬乾隆三年增置豐潤縣凡
領縣九

海陽縣

附郭

豐順縣

在府東一百五十里乾隆三年析海陽縣地置縣

潮陽縣

在府南一百四十里

揭陽縣

在府西少南八十里

饒平縣

在府東少北
一百五十里

惠來縣

在府西南二
百七十里

大埔縣

在府北少東
一百六十里

澄海縣

在府東南六十里康熙五
年省入海陽縣八年復置

普寧縣

在府西南一
百二十里

肇慶府在省治西二百九十里東西距四百九十

里南北距九百九十里東至廣州府三水縣界九

十里西至廣西梧州府蒼梧縣界四百里南至高

州府電白縣界七百四十里北至廣州府清遠縣
界二百五十里東南至廣州府新會縣界二百八
十里西北至電白縣界五百二十里東北至三水
縣界二百五十里西北至廣西平樂府賀縣界三
百五十里自府治至

京師七千九百八十五里明為肇慶府降德慶為屬
州廢封恩新三州共領州一縣十一

本朝初因之雍正九年增置鶴山縣凡領州一縣十

二

高要縣

附郭

四會縣

在府東一百三十里

新興縣

在府東一百三十里

陽春縣

在府西南三百二十里

陽江縣

在府南四百四十里

高明縣

在府東南七十里

恩平縣

在府南二百七十里

廣寧縣

在府西北二百九十里

開平縣

在府東南二百六十里

鶴山縣

在府東南一百七十里雍正九年析開平縣及廣州府之新會縣地置縣

德慶州

在府西二百十里

封川縣

在府西三百三十里

開建縣

在府西北四百四十里

高州府在省治西南一千十里東西距五百十里

南北距三百十五里東至肇慶府陽江縣界一百

九十里西至廉州府合浦縣界三百二十里南至
吳川縣海岸一百十五里北至廣西梧州府容縣
界二百里東南至陽江縣界一百九十里西南至
雷州府遂溪縣界二百里東北至羅定州界一百
二十里西北至梧州府博白縣界二百二十里自
府治至

京師八千六百四十七里明為高州府降化州為屬
州

本朝因之領州一縣五

茂名縣

附郭

電白縣

在府東南一百六十里

信宜縣

在府東北八十里

化州

在府西南九十里

吳川縣

在府南一百二十里

石城縣

在府西南一百九十里

廉州府在省治西南一千四百九十里東西距五

百四十里南北距三百五十里東至高州府石城縣
界一百六十里西至廣西上思州界三百八十里
南至海八十里北至廣西南寧府橫州界二百二
十五里東南至石城縣界一百十八里西南至交
趾界四百二十里東北至廣西梧州府博白縣界
一百八十里西北至橫州界二百二十里自府治
至

京師九千六十五里明為廉州府尋降為州屬雷州

府十四年復為府其欽州初升為府後降為屬州
本朝因之領州一縣二

合浦縣

附郭

欽州

在府西少北一百八十里

靈山縣

在府西北一百八十里

雷州府在省治西南一千四百二十二里東西距一百六十里南北距三百九十五里東至高州府吳川縣界二十里西至廉州府合浦縣界一百四

十里南至瓊州府瓊山縣界一百八十里北至高
州府石城縣界二百十五里東南至海岸二百里
西南至瓊州府臨高縣界二百二十里東北至吳
川縣界一百六十里西北至海岸二百里自府治
至

京師九千五百五里明為雷州府

本朝因之領縣三

海康縣

附郭

遂溪縣

在府北一百八十五里

徐聞縣

在府南一百六十里

瓊州府在省治西南一千七百里東西距九百七十里南北距九百七十五里東至萬州海岸四百九十里西至儋州海岸四百八十里南至崖州海岸九百六十五里北至海岸十里東南至陵水縣海岸五百四十里西南至感恩縣海岸八百十里東北至文昌縣海岸一百六十里西北至臨高縣

海岸二百八十里自府治至

京師九千七百十五里明改為瓊州十四年升為府
改吉陽軍為崖州萬安軍為萬州南寧軍為儋州
並來屬

本朝因之領州三縣十

瓊山縣

附郭

澄邁縣

在府西六十里

定安縣

在府南八十里

文昌縣

在府東南一百六十里

會同縣

在府東南二百九十里

樂會縣

在府東南三百三十里

臨高縣

在府西南一百八十里

儋州

在府西南三百里

昌化縣

在府西南五百五里

萬州

在府東南四百五十里

陵水縣

在府東南五百七十里

崖州

在府南中陽黎峒由東路至府八百七十里西路至府九百六十五里

感恩縣

在府西南六百四十五里

臣等謹按瓊州府有黎地中為黎母山黎人環居其旁內為生黎外為熟黎其熟黎之外始為州縣元時設黎兵萬戶府管黎峒千百戶明時屢加招撫授以土官而終明世黎寇不靖

本朝雍正八年各峒生黎輸誠向化願納丁銀自是瓊屬諸黎悉為良民矣

羅定州在省治西南六百五十里東西距三百里
南北距三百三十里東至肇慶府高要縣界一百
八十里西至廣西岑溪縣界一百二十里南至高
州府茂名縣界一百八十里北至肇慶府封川縣
界一百五十里東南至肇慶府新興縣界一百六
十五里西南至高州府信宜縣界一百八十里東
北至肇慶府德慶州界一百四十里西北至廣西
梧州府蒼梧縣界二百里本州境東西距八十五

里南北距九十一里東界東安縣西南北俱界西
寧縣自州治至

京師七千八百六十里明初為瀧水縣屬德慶州萬
厯四年以縣改置直隸羅定州

本朝因之領縣二

東安縣

在州東少北
一百二十里

西寧縣

在州西北一
百二十里

連州在省治西北七百六十里東西距三百八十

里南北距二百里東至韶州府英德縣界二百三十里西至廣西平樂府賀縣界一百五十里南至廣西梧州府懷集縣界一百里北至湖南衡州府臨武縣界一百里東南至懷集縣界三百里西南至賀縣界二百二十里東北至湖南郴州宜章縣界一百十里西北至湖南永州府江華縣界九十里本州境東西距一百九十里南北距一百二十里東南並界陽山縣西界連山縣北界臨武縣自

州治至

京師七千四百二十五里明洪武初並桂陽州入連
州尋省十四年復置連州屬廣州府

本朝初因之雍正五年升為直隸州以陽山連山縣
來屬凡領縣二

陽山縣

在州東南二百里初屬廣
州府雍正五年分屬連州

連山縣

在州西少南一百十里初屬
廣州府雍正二年分屬連州

臣等謹按馬氏以連州入古荊州域考連州本在

騎田嶺之外東與韶州府西與廣西平樂府準望相直馬考以韶州平樂列於南越則連州亦當為越地

又按連州有八排徭山周圍四百餘里向未通聲教於康熙四十一年歸順設理徭軍民同知駐三江口城專理徭民事務此外如廣州韶州惠州潮州肇慶高州廉州等府及羅定州並有徭山皆恪守官法各安其穴云

嘉應州在省治東七百里東西距四百十五里南
北距二百七十里東至潮州府大埔縣界一百四
十五里西至惠州府龍川縣界二百七十里南至
潮州府海陽縣界一百五十里北至福建汀州府
武平縣界一百二十里東南至潮州府海陽大埔
二縣界八十里西南至惠州府永安縣界二百四
十里東北至福建汀州府上杭縣界一百二十五
里西北至江西贛州府長寧縣界一百六十里本

州境東西距一百九十五里南北距一百五十五里東界大埔縣西界興寧縣南界海陽縣北界鎮平縣自州治至

京師八千七百六十三里明洪武初廢州為程鄉縣屬潮州府

本朝初因之雍正十一年升為直隸嘉應州以惠州府之興寧長樂二縣潮州府之平遠鎮平二縣來屬凡領縣四

興寧縣

在州西七十里初屬惠州府
雍正十一年分屬嘉應州

長樂縣

在州西一百十里初屬惠州
府雍正十一年分屬嘉應州

平遠縣

在州西北七十里初屬潮州
府雍正十一年分屬嘉應州

鎮平縣

在州西北六十里初屬潮州
府雍正十一年分屬嘉應州

臣等謹按兩廣之域在漢時並為交趾部蓋自虞

書載宅南交史記載帝舜南撫交趾王制則稱南

方曰蠻雕題交趾上世南服未闢凡五嶺左右有

蠻之地皆得以交趾稱之逮吳置廣州其後交趾

之名專指安南一隅遂有疑兩廣為在九州疆域者其說仿於晉太康地志至晉書隋書於交廣二州直書禹貢揚州之域杜氏作通典始別南越於九州之外且云嶺南鄰接荊州不當舍荊而屬揚其說誠當今就形勢考之廣東自潮州一府嘉應一州之外若廣州韶州南雄惠州四府在古揚州徼外自肇慶以西至廣西潯州府綿地千餘里皆在古荊州徼外南寧以西至安南則又在古梁州

徼外矣

皇朝文獻通考卷二百八十七